

那文毅公奏議

那文毅公初任直隸總督奏議卷四十三目錄

卷四十三

畿封扈

蹕

籌畫喚咗唎夷使入都章程

那文毅公初任直隸總督奏議卷四十三

男容安恭輯

畿封扈

蹕

嘉慶十九年二月初六日軍機大臣字寄奉

上諭朕自四年以後每歲恭謁

裕陵用紓孺幕上年九月行次白澗適得逆匪突入禁門之信案關重大亟須回京辦理當卽由彼轉程未克祇謁霜露倏更寤寐至今耿耿現在直隸軍務甫竣閭閻正須休息春間不能前往或俟至秋間諒吉展謁亦未

可定那彥成曾受

高宗純皇帝簡擢厚恩茲以勦賊歲功應朕懋賞本應敬  
詣

裕陵虔申叩謝著那彥成於古北口查辦營馬事竣卽由  
彼前往於叩謁後沿途經過薊州三河通州三州縣地  
方各暫駐一二日途間如三家店邦均段家嶺夏店烟  
郊等大村鎮均留心察看現在各該處地方情形是否  
寧謐其編查保甲一事該州縣辦理能否認真不致有  
名無實有無容留奸慝現在州縣官均能勝任與否有  
應參劾更調者卽奏明甄別事竣回京復命再赴新任

嘉慶十九年二月初八日

奏爲密雲途次接奉

恩旨飭令臣卽由古北口敬詣

裕陵庚申叩謁沿途經過地方察看情形是否審謐編查保甲能否認真現任州縣勝任與否奏明甄別並章詢奏請分別降補省南州縣一摺是否允協欽此臣遵於初八日改道由髮髻山一路前往謹遵

指示恩旨於薊州三河通州所屬之三家店等處按程緩行留心察看各地方編查保甲能否認真斷不敢代爲隱飾臣更有請者去年山海關所獲各犯之

供原係教供事屬于虛但一經衙門審出民間豈無風傳是地方本無其事而百姓或致相傳疑訛查山海關營伍地方均係直隸總督所屬臣旣蒙恩補授斯職所有各地方風土民情均須親身周歷於辦事亦屬有益臣擬於叩謁

裕陵之後卽東至山海關查閱營伍所有地方情形及各州縣保甲能否認真辦理與各官員均能勝任一體稽查具奏是否可行之處伏請

皇上指示遵行謹

奏奉

硃批覽

嘉慶十九年閏二月十四日

奏爲欽奉

諭旨恭摺覆奏事竊臣承准軍機大臣字寄奉

上諭自去冬以來查拏逆犯其中通州固安新城一帶之人最多此外如西路之良鄉涿州北路之懷柔密雲等處均無逆黨卽東路通州迤東如薊州遵化亦無藏匿匪徒數月來有自遵化往來之王公大臣朕節次詢問僉稱道途寧謐昨那彥成由該一路回京亦據奏稱城市村莊悉皆安堵可以放心朕上年中途迴蹕未經謁

陵方寸耿耿至今寤寐莫釋且自回京以來辦理逆案渠魁迅獲餘黨悉誅滑縣賊巢三月殄滅陝省竄匪兩月蕩平溯計軍興鮮有如此之迅速完善者現在中外牧寧仰賴

祖

考恩祐朕感深寅畏若不躬申叩謝於心實覺難安那彥成任事後著將各州縣編查保甲卽速認真經理毋稍疎懈並嚴拏要犯祝現劉第五劉呈祥董博望支進財劉成章及其餘各逆犯等倡率地方文武各官激發天良實心收捕志切同仇期於必獲能於六月以前將地

方各事宜經理妥協那彥成卽於七月內具奏朕當降旨諫吉於八九月間恭詣

東陵敬申忱懼此次專爲謁

陵謝

恩不赴盤山不往南苑按程往返不過七日卽地方承辦差務斷不致多勞民力該督務當善體朕意委爲籌辦若巧言攔阻卽以大不敬治罪不赦欽此仰見

皇上大孝至誠

慕思不置臣跪讀之下實深欽服伏查遵化薊州一帶

臣

前月往返經過留心察看該處民情豐樂廬井恬

熙茲奉

聖諭以都城辦理逆案悉就駢誅豫陝軍興迅速完善諛  
吉於八九月間恭謁

東陵謝

恩

禮隆孝饗懋舉

上儀

臣

現在督率藩臬兩司嚴飭各道府州縣將編查保

甲事宜認真辦理一面派委委員馳赴各州縣抽  
查並令臬司錢臻於秋審辦竣後前往近京各處  
覆加查核就近入都覆

奏臣統俟六月以前將地方諸事經理妥協遵

旨於七月內奏請

聖主諭吉定期臣當於數十日前馳往遵化一路敬謹周密查看屆時在定福莊祇迓

鑾輿斷不敢稍有遲誤再

鑾輿經過地方道路總須前一月辦理若在七月雨水尙大恐不能妥善惟有懇求

皇上施恩諭吉在九月則八月內雨水旣少道路辦理爲

易臣等實沐

聖慈無旣謹

奏奉

硃批七月間再定日期總在中秋後彼時遵旨辦理

嘉慶十九年三月二十五日

奏爲遵照部咨妥議具奏恭請

聖訓事竊照案准兵咨行知綿課等會議

聖訓

陵隨扈衛各事宜內開直隸各鎮例派燈城站道管段  
所需員弁兵丁擬令加倍增添外所有前後卡倫  
南面北面以各汛弁兵量地支搭帳房令其週圍

守護巡邏其沿途

尖營處所以及村落巷口要路並

行宮買賣街等處均令派撥官兵稽查守護奏奉

諭旨行令將添派官兵之處妥議具奏當經前署督臣章

照咨會署提督文寧酌擬添兵六百三十二名分

撥供差嗣臣蒞任後復與藩臬兩司查照舊章詳

加籌酌伏思每屆恭逢

皇上展謁

陵寢典禮隆重一應隨扈事宜自應翊衛森嚴以昭整肅

查歷年例派清道兵四百名緝捕兵三百名站道兵七百五十名共兵一千四百五十名沿途分布

本覺稀疎卽照提督文寧所擬添兵六百三十二  
名尙未能處處周密臣再四熟籌除向派清道緝  
捕站道兵一千四百五十名仍照常安設外應再  
添兵一千名將備千把外委八十員分爲兩撥每  
撥兵一千名官弁四十員以二百名弓箭撒袋四  
百名長矛四百名鳥鎗沿途均勻分布每日  
鑾輿行程總督在前導引提督在後扈隨俟

聖駕過後提督卽將站道弁兵遂隊捲撤帶領後從至  
行宮前查點歸隊在外圍布站燈城其次日程站卽令  
第二撥弁兵照前供差如此輪流捲轉守衛足臻

嚴肅而兵力亦不至疲勞所有沿途

尖營處所以及村落巷口要路並

行宮買賣街等處所需員弁兵丁卽於所添兵內臨期  
酌量派撥至桃花寺隆福寺二處山徑紛歧守護  
尤宜嚴密臣現已遴派精細之員前往周圍察看  
山形地勢先期派定將弁兵丁數目俟

駐蹕之日卽令其在京營官兵之外圍酌定山口要隘量  
地安置巡邏守衛至原議前後卡倫安設弁兵支

搭帳房一節查

行宮宿衛巡察宣嚴若給與帳房旣恐弁兵耽於安逸

未免懈怠且需車駝駢載又滋煩費應請毋庸支搭又沿途管道例分八段每段向派武弁四員兵十名隨該管大臣管轄嗣後遵照部咨原議章程每段另派武弁一員兵二十名各帶軍器跟隨管轄計添武弁八員兵丁二百四十名又護送

御寶向派兵十六名武弁八員應請仍照舊章辦理再辦差兵丁應需盤費近年以來在節省馬乾銀兩項下動支現在尚有餘存所有添兵盤費仍卽於本款內通融資給俟將來應須酌量減撤隨時請

旨遵行伏祈

睿鑒謹

奏奉

硃批總理行營王大臣軍機大臣妥議具奏

容安謹按是時羣邪甫靖遺孽未除先公請

添調

蹕路兵丁誠以

萬乘經臨不可忘銜檄之戒愛

君之意有迫於不自知者嗣經總理行營王大臣暨樞密

諸公議駁減派奏蒙

俞允一經

訓示覺國體愈尊兵衛亦肅而

聖人恢恢之大度與先公翼翼之小心皆共見矣

嘉慶十九年五月十八日

奏爲遵

旨查明據實具奏事竊

臣接到臣兄那彥寶來信述奉

諭旨令將直隸每年春秋恭辦

啟鑾

回鑾差務一切需費查明具奏欽此臣伏讀之下仰見

皇上明目達聰事事期於灼見下懷實深欽服臣荷蒙

聖恩蒞任未久於差務未經親厯連日體察情形復詳加

詢訪查照歷屆章程清單惟各營兵丁盤費及馬  
匹車輛道路橋梁等項需費較鉅總視道里之遠  
近日期之久暫核計爲數多寡不一緣近年以來  
食物市價昂貴是以夫工役食以及草豆木植各  
項料物器用例准報銷之價委屬不敷不能不分  
別貼賠以期供支無悞武營則攤扣挪移州縣疲  
累亦不免藉資民力伏思每歲春秋

聖駕展謁

陵寢

巡幸灤河均屬典禮攸關

奏  
巡幸大差屢奉

經

恩賜普遠惟車馬橋道一應供支雖皆例有開銷而津貼亦所不免總計春差秋差州縣共約賠銀二十餘

大奇

萬兩武營約共賠銀一萬餘兩謹開具簡明清單

恭呈

御覽謹

奏

嘉慶十九年五月十八日

奏查厯次恭逢

力

諭旨一切酬應使費著嚴行禁絕不特隨

扈之王大臣官員均各稟遵

訓諭加意謹飭卽內圍當差人等均無因差需索之事從前或有一二兩及三四兩使費亦無一定之人一定之事至地方官盈千累百私相餽遺之事實屬無有臣詳加察訪僉稱如一至臣甫經到任情形不熟僅據訪聞所及則各人畏事未必遽肯實告自有不實不盡之處嗣後留心訪查如有濫支侵冒等弊隨時查明再行叅奏不敢扶同含混謹

奏奉

硃批覽

一歷次恭逢

聖駕由湯山盤山展謁

東陵向派營兵二千餘名營弁一百五六十員如恭遇

聖駕展謁

西陵取道潭柘向派營兵一千七百六十餘名營弁一百八十餘員如

巡幸熱河向派各營兵二千八百四十餘名營弁二百二十餘員如

聖駕進哨行圍及出哨

回鑾差務向派各營兵三千餘名如

巡幸盛京及天津五臺等處向派各營兵三四千名不等  
營弁三百數十員至五百餘員不等除需用虎  
桿及箒籬刮爬等項例於差案報銷其燈籠羊  
燭向在營中公費項下開銷外至兵丁每人每  
日支盤費銀兩八分在於司庫節省馬乾項下  
支給實屬不敷日用每兵每日酌加銀四分又  
每次須用馬五六百匹至七八百匹不等每馬  
一匹春冬合計日支乾銀三分五釐亦屬不敷  
每匹每日酌加銀一錢

東陵差務約需添賠兵丁盤費銀二千餘兩馬乾銀一千餘兩

西陵差務約需添賠兵丁盤費銀一千四五百兩馬乾銀八九百兩熱河差務約需添賠兵丁盤費銀一千七百餘兩馬乾銀八百餘兩木蘭行圍及出

哨

回鑾差務約需添賠兵丁盤費銀二千四五百兩馬乾銀

一千餘兩

巡幸盛京及天津五臺等處差務約需添賠兵丁盤費銀五千至六千餘兩不等馬乾銀三千餘兩至兵

丁號衣號帽套襪鞋襪弓箭袋袋馬鞍等項均  
係各兵自製更換其修補帳房及往返僱車載  
運係該營自行添賠將備千把向無盤費亦係  
自行備辦

一歷次恭辦

選幸木蘭大差自口內至熱河應訓安設臺站並前班兵  
部隨營以及校尉協濟各項共需馬一千三百  
五十三匹按一百日核計除應領工料外需賠  
銀二萬七千六十九兩自熱河至哨內各項馬一  
千二百一十匹按七十日核計除應領工料外

需賠銀一萬六千九百四十兩再馬匹調赴差  
所倘本處差務不敷供應卽須隨時添僱約需  
賠銀六千兩是馬匹一項約需添賠銀五萬兩  
又派調供應校尉人等裝載行李並協濟口內  
口外差使共大車一百零八輛需添賠銀一萬  
九千五百六十兩又隨營各行檔往來辦差

啟鑾

回鑾二次共大車一百四輛需添賠銀六千二百四十兩  
以上馬匹車輛二項共需添賠銀七萬五千八  
百兩

一恭辦

聖駕展謁

東陵差務應調安設臺站並校尉兵部隨營各項馬一千一百八十四所調馬匹之處道路遠近不一自本號起程之日起至差竣回槽之日止按三十日均勻牽算核計約需添賠銀六千七百八兩又隨營各行檔往來辦差共大車六十輛約需添賠銀三千六百兩以上馬匹車輛二項共需添賠銀一萬三百八兩

一恭辦

聖駕展謁

西陵差務應調安設臺站並校尉兵部隨營各項馬一千一百七十八匹亦以道路遠近起程回槽按三十日均勻牽算核計約需添賠銀七千六十八兩又隨營各行檔往來辦差共大車五十六輛約需添賠銀三千六百六十兩以上馬匹車輛二項共需添賠銀一萬四千二十八兩

一恭辦

聖駕由湯山展謁

東陵

駐蹕盤山由

南苑回京差務應調安設臺站並校尉兵部隨營各項  
馬一千四百八十四亦以道路遠近起程回摺

按四十日均勻牽算核計約需添賠銀一萬二  
千八百四十兩又隨營各行檔往來辦差共大  
車六十輛約需添賠銀四千八百兩以上馬匹  
車輛二項共需添賠銀一萬六千六百四十兩

一恭辦

巡幸熱河差務應需各行檔車輛向由順天府尹於所屬  
州縣按旗三民七分派由內務府發給例價其

不敷之車於司庫撥給銀四千兩發交大宛兩  
縣添僱所有例價不敷順天屬州縣自行賠墊  
每州縣約需添賠銀一千兩

一 恭辦

巡幸熱河差務各行檔車輛途中間有疲乏或遇大雨泥  
漚必需預備添補係昌平順義懷柔密雲四州  
縣各儲備二三十輛每站日給銀二兩往返約  
計十餘日向由差局籌議止給前赴熱河腳價  
承辦州縣尙需各賠銀一千餘兩

一 內圍當差人等應用車輛約需銀七千六百餘

兩除由司庫例給銀一千六百兩外承辦州縣  
約需賠銀六千餘兩

一恭辦

巡幸木蘭

御道差務自古北口至熱河又自熱河至哨門道段係承德府州縣承辦除例價外由司另派州縣籌款津貼如由東路進哨津貼夫價銀二千四百六十兩由西路進哨津貼夫價銀二千八百二十兩查據藩司准熱河道札會實需夫價銀一萬一千七百六十兩除司庫津貼外承德府州縣

尚須賠墊銀九千兩

一恭辦

聖駕展謁

兩陵及

巡幸熱河

御道差務向於通直各州縣輪流派委分段承辦計

巡幸熱河差務自京至古北口派遣三十段

東陵及湯山盤山差務派遣四十段

西陵及潭柘等處差務派遣三十四段每段酌分難易自

四五里至十二三里不等通盤核計除例價外

每次辦道州縣酌需賠墊銀一二萬餘兩不等

一恭辦

巡幸熱河差務經由該州縣應搭正副橋座自十餘座至五七十座不等每座自三十丈至百十丈不等每屆差務正值大雨時行之際河水盛漲橋座易至冲刷有搶搭至二三次者料物不能不多爲預備除例准開銷外通盤核計每次截長補短約需賠墊銀一萬餘兩

一每次

聖駕駐蹕行宮

御茶膳房等處以及內圍各行檔應需水缸等項器具均令地方官寬爲預備卽名爲宮門支應謹將細單呈

覽除由司庫每處酌給銀六百兩外其不敷之項係承辦州縣賠墊多寡不等

一歷次差務所有

御膳房應需柴炭及上駟院各項馬駝應需豆草向由兵部給票令地方官備辦除例價外係由承辦州縣墊給應付

宮門支應備辦物件

太平桶七十個

太平缸七十口

太平水缸一百二十口

把桶一百個

土坯一萬二千塊

新磚四千塊

水筲二百四十副

料豆三百六十石

麩子三百六十石

草二十萬觔

秋稻六千個

江豆三石

高粱五十石

菜豆十二石

芝麻二石

大米四十石

小米二十石

玉堂米二石

絹羅二十面

馬尾羅二十面

草篩子六十個

竹篩子五十個

箒籠四百個

柳杆損三百根

大柳損二百根

挑筐八十副

柳斗子五十個

馬刷子三十個

鐵馬刨子二十個

大木櫃子八十根

橄欖燈三對

鐵陰燈十個

更燭六對

時辰香二十四炷

青油燭四對

大小廣鍋五十口

竹絲燈籠一千個

紅絹西瓜燈五對

鐵絲燈籠六十個

羊燭一千筋

羅鏡一面

竹掃箒五十把

水瓢二百塊

條箒一百把

大小蒸籠六十架

白磁盤五百個

磁盆四十套

帳房木櫃二千個

鐵貢頂火四塊

大小印鍋一百口

鐵火盆三十個

鐵鍤木鍤大小備用

大鐵炒勺二十把

大斗鍋一口

大小鐵鎖二十把

鐵索方爐十個

鐵頁一百張

鐵鋤六十張

鐵冰鑽十根

鋤刀八十把

鍋鏟六十把

小鐵錘十二個

水桶八個

炕桌四百張

大小桌椅二百四十張

半桌五十張

連二繩一百六十筋

黃繩一百筋

井繩四十條

大幌繩五十條

打水桶十二個

扁擔七十條

木燭臺一千六百個

刑具全副

木金磚八塊

茅葫蘆四個

地几六個

別櫈五副

圖塞爾根一對

提梁匣四個

公案全副

衣案一張

穢案一張

扒杆五十根

丈杆二根

拴馬椿一百二十根

馬槽一千個

宣興壺六十把

大小龜細磁器備用

沙铫子五百個

錫噴壺五把

錫如意盆

錫淨瓶

溫涼淨四個

錫硯盒六副

淨宮罐一而

黃布包袱二十四個

黃布十六疋

白布十六疋

藍布十四疋

火把一千根

油布五十塊

大小油紙三十張

大小口袋四百條

定風石一塊

定風杆一根

更籌五根

銅錢糧鎖四把

雞毛等四十把

火扇子六十把

檀香丁一觔半

速香丁一觔半

白礬四觔

細紅檀六條

細黃檀六條

麌白檀六十條

紅大檀二千牀

大小葦蓆一千領

劈柴五萬觔

桑柴一百觔

榆柴一百觔

煤五千觔

炭三萬觔

冰一百塊

紅爐炭五百觔

條子炭一千觔

嘉慶十九年五月十八日

奏爲欽遵

諭旨嚴切查辦先行恭摺奏

聞事竊

臣

欽奉

上諭蘇楞額等奏審擬太監小劉進喜向書吏于漢索取  
麩料並順義縣辦差給與各太監他坦食物錢文一摺  
朕每遇巡幸禁止太監等向地方官需索屢經嚴諭至  
再至三乃猶有太監書吏彼此交涉散給供應之事據  
于漢供南石槽三家店鬃鬃山三處係順義縣承應密  
雲瑤亭子兩處係密雲縣承應近年均有折給四執事  
他坦十三處搭鍋臺預備民夫水桶錢文及雞肉麩米  
等項業將太監等治罪併書吏于漢問擬杖徒著那彥  
成卽查近五年以來濫給太監供應之知縣先行革職  
指名嚴叅交涉之書吏均照于漢之例問擬杖徒失察

之總督藩臬奏明交部議處本年八月間朕祇謁

東陵著那彥成先期嚴行飭知所屬各州縣嗣後蹕路經過地方如有太監需索之事卽稟明總督據實奏聞懲辦若隱匿不奏或私行給與經朕查出必將該州縣及該督一併治罪不貸稟之蘇楞額等摺著發給閱看欽此伏查每年恭逢

聖駕時巡及恭謁

陵寢應需柴炭麥麩荳草水塊水缸柳罐席蓋人夫等項係例得報銷向由部臣咨行沿途經由州縣預爲備辦其餘一切支應名目久奉

諭旨嚴飭禁止直省每於差期之前又行文查禁各該州縣自應遵照革除乃上年順義縣辦理秋差該縣書吏于漢輒私給太監他坦十三處搭鍋臺預備民夫水桶錢文及雞肉麩米等項實屬不法所有失察之員自應叅革查五年以內之順義縣除病故外所有現任順義縣知縣陳楷相應遵

旨先行革職至密雲縣瑤亭子兩處係密雲縣承應其辦差書吏人等折給太監供應似亦不免臣現在飭查該縣近五年以內辦差書吏是何名姓濫給太監何人供應行提來省根究明確按擬治罪并將

該縣知縣及失察之總督藩臬遵

旨奏請分別議處至本年八月內恭逢

聖主祇謁

東陵臣富欽遵

諭旨先期飭知經由州縣如有太監需索之事卽據實具

稟奏明懲辦倘敢隱匿不報或私行給與臣一

經查出定將該州縣一併叅辦斷不稍爲徇隱謹

奏

嘉慶十九年五月二十日奉

上諭這所叅任聽書吏濫給供應之順義縣知縣陳楷著

草職吏部知道

嘉慶十九年五月十八日

奏臣欽遵

諭旨將順義縣知縣陳楷奏請草職一面查提密雲縣辦差書吏來省訊究現已另摺覆奏臣伏思每年

皇上巡幸熱河及恭謁

兩陵隨從太監等均領有錢糧並願奉

訓諭勅禁需索理應欽遵不得再向地方辦差書吏稍有  
需索臣到任後留心密訪自嘉慶十年臨榆縣李  
友杜辦差家人黃五等包差案內奉

旨嚴行懲創以後倘差撞騙之事未經犯案惟趁草米豆等項差次在所必需向係地方官購備

臣

溯查自

乾隆年間至今均係如此辦理因太監隨閭各有執事若於尖宿處所自行購買既恐有悞當差且恐太監等自向街市購買市儈居奇轉滋爭執所以每遇差使太監人等支取食物經由州縣照舊應付未能盡行革除上年秋差順義縣辦差書吏支給太監趁米等項皆係相沿舊習與無故交接者不同若將五年以內辦差州縣查明叅革員數未免較多

臣

到任未久差使未能熟習若將各州

縣遽易生手本年八月正當舉行謁

陵大典經由州縣稽查奸宄伺應差務在在皆資熟手經理且地方公事亦關緊要若輾轉更易多員恐一切未能得力可否仰懇

天恩將失察濫應各員容

臣 詳細查明照例

奏請議處免其革任至厯任失察之總督藩臬仍查明上差次數分別議處如蒙

恩允仰懇

皇上俯念順義縣知縣陳楷辦理差務究屬相沿舊習可否

勅部照例議處免其革職出自

逾格鴻慈再查每年春秋二差隨從太監所需麩米等項  
實爲必需之物若聽其自行置買既悞差使且  
鑾輿所在內裏太監日與外間市僧間襍之人交往似非  
所宜如任令索取又恐啟勒索無厭之求再四思  
維莫若官爲嚴定章程使之不得逾額既免紛擾  
而伊等差使亦不致有悞合無仰懇

皇上勅諭內務府大臣暨總理

行營大臣公同商議將隨圍太監分別行檔每處每站  
應給麩米等項需用食物若干核定數目開單呈

覽定以條例知會

臣

轉飭經由州縣按站呈交內務府總

管大臣照數發給歸於外辦差費項下開銷如此

既有內務府總管大臣拏總則太監人等可不致

日與外官州縣交涉更爲嚴密如太監等私自再

有需索辦差書吏濫行應付一經查出枷號充發

懲辦失察之州縣徑予革職永不敘用如此嚴定

章程太監等既可安心當差而承辦書吏藉差影

射及濫行支應交往之弊亦可從此杜絕再臣更

有請者太監人等最難約束所謂少縱即逝而過

嚴亦易生怨我

朝防制太監立法之嚴繫古無比然亦須稍與寬容使伊等生計可裕令知感

恩畏威更爲駕馭近習至計

臣

渥受

厚恩不敢稍有袒庇謹將管見所及不揣冒昧縷晰具陳

謹

奏奉

硃批糊塗之至另有旨

嘉慶十九年五月二十日軍機大臣字寄奉

上諭那彥成奏查明每年春秋二差需費銀數一摺並開單呈覽向來春秋二差車馬橋道等項例價不敷直隸

省不無津貼但何至如該督所奏地方官需賠銀一千

餘萬兩之多詳閱單內所開浮圖實所不免直隸官吏

辦差爲名以少報多那彥成不如詳察卽據以入奏

歸屬大奇若按款鉤稽必致又興大獄矣  
馬湖進

殊覺固昧著傳旨申飭其單內由該省自行支銷者著

該督率同藩臬二司詳細叅酌大加核減以節浮費毋

得仍前濫行支用至所開宮門支應一單其所列各件

固有實係備用者而虛開者亦復不少卽如所開炕桌

四百張大小桌椅二百四十張半桌五十張此等器具

若如天津五臺等處行宮係由地方官預備陳設者自

不能不置備器具若春秋間附近行宮皆由內務府管

理其中桌椅等項一切齊全何須地方官另爲置備且  
所備桌椅多至數百張行宮屋宇無多亦無堆積之處  
其虛妄可知又如竹絲燈籠一千個火把一千根行宮  
內從不需用此物其餘類此者尙多大率皆該省辦差  
大小官吏備以自用者亦一併列爲宮門支應尤屬不  
實朕已將此單發交總管內務府大臣查明刪減將必  
須備用者擇出核定數目發交該省每次照數預備將  
來差次由地方官將所備物件點交內務府大臣官員  
驗收再由內務府大臣發交各等處太監支領總不得  
令太監等與地方書吏私自交收以杜流弊又據另片

奏太監等隨從出外麩草米豆等項恐其自向街市購  
買與外間市儈閒裸之人交往可否勅諭內務府大臣  
等將隨園太監應給麴米食物核定數目由州縣呈交  
內務府大臣發給等語所見糊塗已極太監等給使內  
廷禁止與外人交接如差次向地方官吏需索食物使  
費或藉以交通熟識此則必應嚴禁至伊等尋常購買  
食物與市販等彼此交易此則情事之常不得謂之交  
接即如御園各處太監其日用所需原准其出福園門  
西南門自行購買並未加以飭禁若伊等偶食蔬果皆  
須向內務府大臣代爲購買則繁細瑣屑成何體制况

太監隨從出外賞給路費俾資日用設如那彥成所奏  
該太監等既領錢糧復令地方爲之代備供應有是理  
乎所奏斷不可行現在辦理太監小劉進喜差次需索  
一案順義縣知縣陳楷任聽書吏濫給供應皆有應得  
雖據那彥成查明舊習相沿並非有心交結茲當整飭  
之時不能不加以懲創已降旨將陳楷革職准其留於  
該省仍令幫辦差務如果辦差數次妥協無誤再由該  
督奏請開復其餘五年以內辦差各州縣人數太多著  
照該督所請查明同失察之總督藩臬奏明照例分別  
議處其密雲瑤亭濫支供給之書吏等仍遵前旨確實

查明照例治罪

嘉慶十九年六月十八日

奏臣欽奉

上諭朕恭謁

東陵沿途扈衛章程已據總理行營王大臣軍機大臣詳悉會議前那彥成奏添官兵數目並經該王大臣等斟酌議減不准湊請增添著那彥成卽行知各提鎮將來出派時各該營按照應用兵丁數目務逐名挑選擇其技藝嫻熟年力精壯者此內猶須查明在營年久來歷分明信實可靠之人方可挑派其新進應募蹤蹟無定

者斷不准濫行廁入一人該督等當慎之又慎不可稍涉大意致有疎虞所關非細欽此查臣前奏

扈衛章程請添官兵數目經總理

行營王大臣等議減現已接奉軍機處行知於請添二千名兵數內減去七百五十名實添兵一千二百五十名等因臣當卽轉行各提鎮遵照兵數按名挑選務擇年壯技嫓之人尤以信實可靠爲要斷不可以新近入伍者濫行充數臣同該提鎮等惟有詳加慎選不敢稍存大意謹

奏奉

嘉慶十九年六月二十九日

奏爲恭摺覆奏事竊臣欽奉

上諭朕本年八月間恭謁

東陵直隸應派隨扈官兵前日已經軍機大臣等會議章程奏聞降旨令該督遵照辦理近聞那彥成仍欲密備官兵二千名該督自帶兵一千名在前行走提督帶領一千名在後隨扈此斷不可鑾輿出入營蹕自有常儀若驟增兵衛二千前後擁護沿途駭人觀瞻實覺不成體制該督惟當遵照核定兵數擇其年壯技優在營年

久可靠者挑選足數勿將無籍新兵一名廁入其各處  
經過城市村莊著慎委妥員先行逐細詳查臨時加意  
管轄勿容留來歷不明之人叩關煩瀆以昭嚴肅此外  
毋得率行添兵若那彥成以添兵二千之說曾經奏聞  
仍私自預備帶往屆時必將那彥成拏問治罪不貸稟  
之欽此伏查

扈衛章程前經臣議奏向派清道緝捕站道兵共一千  
四百五十名外添兵二千名將備千把等官八十  
員又管道兵一百六十名武弁八員嗣經總理  
行營王大臣軍機大臣議減兵七百五十名官三十員

祇須添兵一千二百五十名官五十員又管道兵減去八十名其武弁不必加添前後共官兵二千八百三十名奏奉

俞允並奉

上諭不准瀆請增添業經臣咨行各提鎮欽遵並覆奏在案竊思各直省兵丁雖係總督提督所轄但遇差務派調若不奏請

訓示萬不能私調且現在地方安靜均係淳良百姓誠如聖諭若驟添兵擁護駭人觀瞻實覺不成事體茲蒙

聖明垂詢近聞臣仍欲密備官兵二千名臣實無此事亦

並未曾有此計議惟再咨行提鎮遵照核定數目  
擇其年壯技優在營年久可靠者挑選供差並一  
面派委委幹文職大員預期馳赴

鑾輶經臨各處逐細稽查以昭嚴肅謹

奏奉

硃批知道了

嘉慶十九年七月初十日

奏爲酌派文武員弁稽查

鑾輶經由地方以昭嚴肅竊照本年秋間恭逢

皇上祇謁

東陵所有隨扈官兵前經臣議奏加增奉

旨交總理行營王大臣等核議覆奏又欽奉

諭旨現在祇遵辦理惟是

鑾輶經過地方向雖派官稽查未盡周密

臣悉心籌度凡

蹕路經由之城市村莊酌分段落先期派委精細文武員

弁會同該管州縣將保甲冊籍與煙戶門牌詳加

查對不許稍有隱匿遺漏勒限七月二十五日以

前一律清楚該員等查竣之後飭令在彼駐劄密  
爲巡訪查梟司錢臻前經臣奏令於七月內抽查

保甲亦卽順路進京

陞見茲臣委令該司於七月內起身先行前往順道抽查

一面另委文員會同原派緝捕之官自京營交界至遵化州一帶往來嚴密緝捕並派委武職一體

巡查各按派定地方俟

殊此二項斷不准如違拏究

聖駕經由武職各佩弓箭或鎗或矛與所派文職自行牽

馬相間站道敬候

鑾輿過後仍在原派段落巡緝至近村老民向在道旁跪

接

聖駕但該老民等年力衰邁若令其在

御道旁跪接人馬衆多未免踐踏堪虞臣擬令該老民等

在

御道

太道十丈以外尚可

二十丈以外跪迎責令原派道旁站立之文武各員

認識真確毋許外來面生之人溷跡在內

皇上賞給銀牌卽令該員等管帶承領其餘城鄉民人偶

有瞻仰

天顏者亦不准喧譁擁擠以昭嚴肅至隨扈官兵悉遵前

奉

諭旨及總理行營王大臣等原奏辦理定限八月初十日

到站臣擬於八月初間自省起程趨赴

御園請

安跪聆

聖訓後卽赴薊州一帶稽查道路並點驗官兵十九日同  
至定福莊接

駕如此添委員弁巡緝稽查庶  
鑾輅經臨益昭清肅謹

奏奉

硃批按例佩帶弓箭鳥鎗長矛斷不准用母忽朕言不准

賈奏

嘉慶十九年七月十二日軍機大臣字寄奉

上諭那彥成奏酌派文武員弁稽查鑾輅經由地方一摺

所辦有太覺膽怯之處朕每歲謁

陵係常行典禮秋獮前期駐蹕熱河鑾輶所經皆在近畿數百里之內如同戶闈一切扈從兵衛恐有常儀上年京城內雖有逆匪滋事之案而蹕路所過一塵不驚原無庸過於設備此次卽略添兵衛亦皆斟酌適宜若如那彥成所奏令站道弁兵俱各手持鎗矛紛紛林立豈不駭人觀瞻且自上年九月以後此次蹕路初經嗣後卽奉以爲式豈可過事張皇乎所有直隸官兵隨扈章程前經軍機大臣等詳悉會議奏准頒行該督惟當祇恪遵守將派出員弁兵丁慎加揀選沿途城市村莊加

意稽查每日駐蹕之後認真巡邏夜間尤當加倍警衛  
遇有形跡可疑之人立卽盤查緝獲毋稍踈懈如此則  
不動聲色而行營倍臻嚴肅其沿途站道弁兵著俱循  
照向例佩帶弓箭腰刀執持儀棍其烏鎗長矛二項斷  
不准用如有私自攜帶者屆時立行拏究將該管營官  
治罪並將那彥成懲處不貸

嘉慶十九年八月初三日

奏爲查明密雲縣近五年內辦差書吏提省審擬併將  
失察之該管知縣及各上司分別奏請革職議處  
事竊查順義縣辦差書吏于漢濫給太監小劉進

喜他坦食物錢文一案前奉

諭旨密雲縣瑤亭子兩處係密雲縣承應著那彥成卽查明近五年以內濫給太監供應之知縣先行草職指名嚴叅交涉之書吏照于漢之例擬徒失察之總督藩臬奏明交部議處欽此當經臣將順義縣知縣陳楷遵旨奏明草職一面查提密雲縣近五年以內辦差書吏來省審辦嗣奉

上諭順義縣知縣陳楷任聽書吏濫給供應咎有應得雖據那彥成查明舊習相沿並非有心交結茲當整飭之時不能不加以懲創已降旨將陳楷革職准其留於該

省仍令幫辦差務如果辦差數次妥協無悞再由該督奏請開復其餘五年以內辦差各州縣人數太多著照該督所請查明同失察之總督藩臬奏明照例分別議處欽此茲據密雲縣查明近五年以內在密雲瑤亭子兩處辦差之書吏金德清申解來省飭發司道督同保定府審擬詳解前來臣親提研審緣金德清籍隸密雲縣充當該縣工房書吏自嘉慶十四年起至十八年止恭逢

聖駕巡幸熱河所有密雲縣瑤亭子兩處差務均係金德清承辦每逢差前一日海漫上十三處他坦前站

披甲人等到境搭造鍋臺十三個並預備水桶每個鍋臺撥給燒火夫一名挑水夫二名披甲人等因大營未到無處覓食金德清送給米一二升肉二三觔雞一二隻不等其騎來牲口需用繫草金德清各送給繫料一斗或五升草十餘觔不等該縣未能先行禁阻披甲人等並無另有需索金德清與內監素不見面亦不知披甲人等名姓臣恐金德清有交結內監並將需用人夫折給錢文情事復向嚴訊據金德清堅供伊與內監均不認識至各他坦每處需用水火夫三名俱係撥給人夫

並無折錢等語覆詰不移案無遁飾查金德清辦理差務訊無濫給太監供應情事惟送給前站披甲米肉鞍革等物殊屬不合金德清應革役照于漢之例擬杖一百徒三年至配所折責四十板事犯在厯次

恩旨以前到官在後應不准其授免現任密雲縣知縣鄒濂任聽書吏金德清送給披甲人等米肉鞍革等物未能覺查禁止究有不合鄒濂應請

旨革職留任八年無過方准開復至厯任失察之密雲縣知縣並該管總督藩臬另行查取職名咨部分別

議處謹

奏奉

硃批依議該部知道

嘉慶十九年十月十四日

奏爲酌動藩庫存貯節省馬乾銀兩交商生息以爲添  
派隨扈兵丁盤費之用恭摺具奏事竊照本年秋  
間恭逢

皇上展謁

東陵經軍機大臣暨總理行營王大臣議准於原派兵丁  
之外議添官兵一千三百八十員名奏奉

俞允欽遵辦理所需兵丁盤費銀兩前經差局司道議請

在於藩庫存貯節省馬乾銀內支給仍提出銀二

萬兩交商生息以資每年應用詳經臣咨部嗣准

戶部咨覆係爲調濟辦差兵丁經費久遠起見似

屬可行但事關動項發商未便據咨核准行令自

行奏明辦理等因茲行據該司道等具詳請奏前

來伏查嘉慶十一年經前署直隸總督裘行簡

等奏准裁減各營馬一千四百匹每年節省馬乾

銀一萬六千餘兩以爲各營恭辦

皇差兵丁盤費之用每年恭逢

聖駕展謁

東陵

西陵

巡幸木蘭各差約共需兵丁盤費銀一萬二三千兩餘銀  
存貯藩庫如遇

大差需費較多之時卽於此項餘銀內酌量添補應用奉  
旨允准在案計自嘉慶十一年至今除歷年支用外藩庫  
存貯餘剩節省馬乾銀三萬六百餘兩今歲

東陵差務議添官兵一千三百八十名內官五十員不計  
外寶添兵丁一千三百三十名往返約二十日按

照原派兵丁每名每日支盤費銀八分計算約需  
銀二千兩內外應卽在於藩庫存貯餘剩節省馬  
乾銀內動用惟將來

皇上展謁

西陵

巡幸木蘭所有隨扈兵丁自應照此一律添派而餘剩節  
省馬乾歲有定額恐不敷用據司道議請在於藩  
庫現存餘剩節省馬乾銀內提出銀二萬兩發交  
保定天津兩府鹽當各商以一分生息每年可得  
息銀二千四百兩遇閏加增連藩庫每年餘剩節

省馬乾銀三千餘兩共銀五千餘兩以爲春秋兩次差使添派兵丁盤費之用如此酌籌辦理不但該兵丁等盤費有資卽鹽當各商領銀營運歲止一分取息亦不致稍有苦累似覺均有裨益抑臣

更有請者每年

阿哥致祭

陵寢暨前往熱河從前並未派兵隨護嘉慶十七年新定章程應派副叅千把等官弁兵丁按站值宿隨護均係在於經由地方附近營分派調當差並不給予盤費第兵丁月餉無多情形未免拮据現據各

營稟請議給臣已飭標下副將酌定數目俟具詳到日應請亦在此項生息銀內支給以示體恤仍於歲底造具兵丁名數及動存銀數清冊報部查核謹

奏

嘉慶十九年十月十五日奉

上諭那彥成奏酌動節省馬乾銀兩交商生息以爲添派隨扈兵丁盤費一摺直隸各營兵丁遇朕祇謁兩陵及巡幸木蘭派出承應差使所需盤費向於馬乾節省銀內支給所有本年議添兵丁應文盤費除已於馬

乾銀內動用外著照所請卽在藩庫餘剩節省馬乾銀  
內提出銀二萬兩發交保定天津兩府鹽當各商以一  
分生息遇閏加增解交直隸藩庫以爲每年添派兵丁  
盤費之用其阿哥致祭

陵寢暨前往熱河派出當差兵丁所需盤費並著一體支  
給該部知道

嘉慶十九年十月二十二日

奏臣於本月初間趨詣

闕廷叩祝

萬壽稍申瞻戀之忱旋奉

諭旨赴盤山一帶查勘工程回京恭覆

恩命復蒙

召見又得仰覲

天顏下懷實深欣幸十七日

陞辭後蒙

恩賞假一日於次日出京二十日回省轉瞬舉行

計典事關激揚臣現在督率兩司將所屬官員賢否詳

加考察屆期秉公舉劾照例

題報斷不稍有徇隱所有要犯督飭各屬益加上緊緝

拏務獲以期仰副

聖主安良飭治之至意謹

奏奉

硃批實心緝拏要犯勉之切勿稍懈河間景州一帶更應  
留心

嘉慶二十年正月二十一日

奏爲請

有事竊照本年三月初四日恭逢

皇上辰謁

東陵

臨幸盤山所有

鑾輶經由處所查對門牌以及緝捕事宜已飭差局司道

暨標下中軍派委文武員弁先期前往分段辦理

其隨扈兵丁臣現與提督徐鉅詳慎挑選務期

蹕途清肅翊衛整齊惟

聖駕於三月十八日回

鑾至海子向例臣應在於雙橋門送

駕後卽回省城第十八至二十二等日

聖駕尙在海子臣先期旅省下懷實切不安可否仰懇

聖恩俯准臣並提督徐鉅隨

蹕在海子內扈從遇夜仍令兵丁圍站燈城二十二日卽

卷之三  
在鎮國寺門恭送

聖駕抑或臣於雙橋門送

駕後臣在馬駒橋一帶暫住徐鋐在黃村一帶暫住其海  
子之南紅門臣擬派副將並地方道員暫住三處  
分投駐劄彈壓統俟

聖駕回宮再行回省臣未敢擅便伏乞

訓示遵行謹

奏

嘉慶二十年正月二十三日軍機大臣字寄奉  
上諭那彥成奏此次春圍於三月十八日回鑑至海子若

照向例於雙橋門送駕後卽回省城實切不安請同提  
督徐錦隨蹕在海子內遇夜仍令兵丁閉站燈城或同  
徐錦分投在馬駒橋黃村暫住等語所奏大約甚屬非是著傳旨嚴行申飭該督自蒞任以來於應緝要犯並未拏  
獲一名地方所設墩汎驛站復一任廢弛凡職分應辦  
之事俱不盡心經理乃干預分外之事以見其心存忠  
愛豈非舍其田而芸人之田乎試思南苑行宮與園庭  
無異本年朕駐蹕南苑一切翊衛事宜早經議定章程  
極爲周密何須那彥成鰐鰐過計若謂心抱不安豈朕  
在圓明園香山駐蹕時亦須那彥成籌及時時心抱不

硃

每夜安燈城

安耶至該督欲同徐鋐在馬駒橋黃村暫住尤屬無謂  
該一帶地方俱係直隸營汎所轄那彥成等應嚴飭該  
管文武官員認真巡查如有懈惰者叅革責懲或再派  
妥幹之員密加稽核足昭慎重若於向例所無之事忽  
於苑外添駐大員轉覺駭人聽聞朕於三月十八日由  
小紅門進南苑那彥成等於該處不准逗留片刻如違重究送駕後仍照例各自  
回任

嘉慶二十年二月十八日

奏爲接准部咨恭摺覆奏事竊臣於本月十六日接准  
兵部咨開准總理行營處各欽奉

上諭盤山行宮外圍牆週圍堆撥著交那彥成徐錕福長安等於舊設十三處堆撥各適中處所再增設堆撥十二處各派弁兵十名與舊設堆撥十三處弁兵一體值班守衛以昭嚴密餘依議欽此伏查盤山

行宮外圍牆臣於上年冬間查工親身週厯查勘已將

今春

鑾輶經臨應行派兵之處帶同將弁指撥已定共計外圍牆堆撥十三處水門七處擬於各堆撥每處派弁帶兵二十名各水門派兵十名晝夜把守各飭知在案昨於二月初十日又派叅將珠勒亨伊昌阿

前往再行查勘堆撥水門之外尙有山後各山口  
小道及要隘之處一並派兵看守臣不日前往查  
道臨時再行當面具奏現卽遵奉

諭旨所有舊設堆撥十三處及增設之十一處均一律各  
處派兵二十名謹

奏奉

硃批知道了

嘉慶二十年三月十二日會同直隸提督徐公鋗

馬蘭鎮總兵福公長安

奏爲恭摺奏謝

天恩事竊臣等欽奉

上諭直隸派出扈衛之將備各員著加恩賞給小卷八絲  
緞二十疋五絲緞二十疋線綢四十疋其扈衛之弁兵  
及馬蘭鎮添派弁兵著加恩賞給銀二千兩交那彥成  
徐鋗福長安分別給領欽此臣等遵卽秉公均分祇領  
伏查此次

聖駕敬謁

東陵臨幸盤山臣等督率將備弁兵隨扈當差皆係分內  
之事誠恐該官兵等或有懈怠正深悚惕乃蒙  
皇上隆施逾格

賞賚優加該官兵等歡呼踴躍咸頌

皇仁以爲從來未有之

曠恩益切榮幸感興臣等惟有勤加勉力督率以期無少

曠悞謹

奏

容安謹按此奏隨扈

行在向不奉

硃批

嘉慶二十年三月十四日

奏此次恭逢

聖駕祇謁

東陵臨幸盤山所有直隸各官修墊道路理應敬謹辦理

方昭恭恪茲查有行唐縣知縣徐福年寶坻縣知

縣關寔秀新河縣知縣劉耀林三員辦理山路妥

協於各員中尤爲出力可否仰懇

聖恩將該三員

嘗給議敘以示獎勵之處出自

睿裁謹

奏

嘉慶二十年三月十四日奉

上諭那彥成奏此次修墊道路之知縣徐福年關寔秀劉耀林著賞給小卷五絲綬各一疋毋庸給予議敘

嘉慶二十年三月十四日

奏爲恭摺奏懇

聖恩事竊查順義縣知縣陳楷因失察書吏于漢私給太監小劄進喜供應前經臣遵

旨奏請革職並附片聲明該員辦理差務究屬相沿舊習可否照例議處免其革職欽奉

諭旨將陳楷革職准其留於該省幫辦差務如果辦差數次妥協無悞再由該督奏請開復其密雲瑞亭濫支供

應之書吏等仍確實查明照例治罪欽此復經

臣查明

密雲縣辦差書吏金德清亦有送給前站披甲米

肉麩草等物提省訊擬具奏並將前任密雲縣陞

任涿州知州丁憂之奏承需同失察各上司咨部

議處嗣准部議奏承需俟丁憂起服革職留任八

年無過方准開復等因在案

臣欽遵

諭旨飭委該叅員陳情辦理上年秋差此次恭逢

聖駕祇謁

東陵臨幸盤山差務

臣

復委令該叅員查對門牌保甲及

幫同經由州縣照料差務不辭勞瘁均屬妥協無

臣悞且聞該叅員人尙妥實係屬可用之材相應遵旨奏懇

聖恩准其開復原官留於直隸遇有相當缺出酌量補用至秦承需一員於直隸地方情形及辦理差務頗爲熟悉才具開展因卽委令該員與陳楷幫同各州縣辦理欵差並此次

聖駕謁

陵差務甚爲妥協陳楷旣已懇

恩開復該員事同一例合並仰懇

聖恩將該員革職留任處分一體准其開復如蒙

恩允不特該員等仰沐

鴻慈益加感奮卽

臣

辦理地方公事亦可收得人之效謹

奏奉

硃批依議

嘉慶二十年三月十四日

奏祁州丁憂知州張堃委赴大名府屬編查保甲清查  
叛絕產業極其認真又河間縣丁憂知縣顧玉書  
前在樂城縣任內辦理兵差甚爲妥協該二員歷  
任直隸州縣辦事結實官聲甚好於地方情形尤  
爲熟悉可否仰憇

聖慈俟該員等服闋後仍留直隸補用出自

皇上天恩謹

奏

嘉慶二十年三月十四日奉

上諭那彥成奏請將熟悉地方情形人員分別施恩一摺  
原任順義縣知縣陳楷准其開復原官留於直隸酌量  
補用仍帶革職留任丁憂知州張堃知縣顧玉書均准  
其於服闋後仍留直隸補用

嘉慶二十年七月十二日會同直隸提督徐公鋗  
奏爲沿途河水漲發橋座被冲現在督飭將弁帶領兵

丁夫役分投趕緊搶搭事竊臣那彥成於初九日出京是夜大雨如注卽住宿前屯恐道路橋梁或有冲塌隨於次日冒雨起身查勘經由昌平蘭溝並懷柔縣橋座尙屬完固惟雨勢甚大晝夜不止十一日巳時抵密雲白河水已漲發所搭橋座已被水漫臣那彥成當卽趕緊過橋行不數里卽據稟報正橋冲去簽圓四道副橋冲去簽圓六道隨飭該縣趕緊搶搭一面馳赴前途查勘酉刻行至南天門據報潮河水漲正橋冲開簽圓四道副橋冲去簽圓十三道水深溜急人力不能搶護臣徐

鋗亦據稟報又據派赴關外查勘水勢情形之千總楊永春面稟古北口外水溜緊急正副橋座全行冲失等情查初九日至今晝夜大雨不但湖白二河水勢漲發橋座被冲卽已經修墊

御道亦因兩久浸透全行冲塌其間冲成深坑者甚多沿途小橋亦有坍塌其蘭溝懷柔等處橋座

臣那彥

成經過之後不知有無被冲現在委員探查尙未

稟覆口外之喀喇河屯大橋亦一面差人查勘現

在臣徐鋗亦由小路翻山前來見面後各人選派

將弁帶領兵丁並飭道廳暨地方官多僱夫役檢

石編固一俟水勢稍退人力可施卽趕緊修搭務臻穩固

臣那彥成親駐南天門

臣徐錕卽在古北

口分投督辦一面分飭辦道各官竭力搶修惟刻

下雨仍不止放晴尙早相距

起鑿之期僅止八日能否如期搶搭完固道段能否一律

搶修平坦容俟十四五日察看雨勢情形另行具

奏請

旨謹

奏

嘉慶二十年七月十四日會同密雲都統策公丹

那文毅公初任直隸總督奏議

卷四十三

至

奏爲欽奉

諭旨並各橋梁道路及現在趕辦可以無悞情形恭摺覆

奏事竊臣那彥成於本月十二日在南天門會同

提督徐鋐將密雲等處因連日陰雨橋道冲失恭

摺具奏於十四日午刻接奉

廷寄欽奉

上諭據那彥成奏述曰大雨密雲縣正副橋座及南天門  
古北口橋座均有冲失該督親駐南天門徐鋐在古北  
口分投督辦等語京師十一十二日亦係大雨雨晝夜  
本日業已晴霽現派禧恩蘇爾慎前往密雲會同策丹

督辦該處橋座那彥成卽在南天門督率弁兵及夫役等將湖河橋座上緊修搭其古北口橋座責成徐鋗趕辦均務於二十日以前修搭完備不准遲誤南天門橋座搭成那彥成卽迅至密雲彼時如密雲之橋尙未竣工那彥成卽在彼督辦以便令禧恩等回京俟各處橋座俱齊該督照例前來清河接駕可也本年雨暘時若朕御製喜晴詩錄稿發去著那彥成賡和卽行覆奏欽此

此遵查十二日臣那彥成拜摺後續據密雲縣稟報白河橋座全被冲失又據派往南北兩路查探員弁回稟口外喀喇河屯橋座全行被冲蘭溝懷

柔橋座亦被冲大半所存無多臣等正深焦急喜得仰賴

皇上福庇於十三日辰刻天氣晴霽臣那彥成因查昌平懷柔密雲一帶橋座

鑿輶經臨較潮河等處爲期更近其餘橋梁道路

皇上延一日經臨卽有一日寬限是萬溝懷柔二處趕搭橋座修整道路愈應趕早督辦無悞因將喀喇河屯橋座專委熱河道明山河屯協副將奇成額督率搶搭古北口外橋座專委派在口外稽查橋道之口北道克蒙額與提標官兵督率搶搭南天門

橋座專委霸昌道誠端叅將珠勒亨督率搶搭徐

鋕仍駐古北口來往督辦可以兼顧

臣

那彥成卽

折回密雲查勘督率文武辦理白河橋座茲蒙

皇上特派禧恩蘇爾慎前來會同

臣

策丹督辦白河橋座

儘可無悞

臣

那彥成擬卽趕往蘭溝懷柔一帶催

辦所有口內外各處料物人夫皆已委查均屬預

備齊全有盈無絀足敷搶搭現在水勢消落一二

尺不等

臣

等嚴飭各該州縣又多增雇人夫協同

管員兵丁無分晝夜趕緊搶搭白河橋座

臣

策丹

又督率滿兵四百名隨同民夫辦理約計三兩日

內總可一律完固至被冲道路臣那彥成飭令辦道各官先將積水開溝宣洩並將道面翻犁曬晾再加沙土碾研堅實亦可於四五日內修墊平整均不致有貽悞臣等俟橋道趕辦完竣一面專差具奏遵照

諭旨

在清河跪迎

聖駕再臣那彥成督率地方文武各官所辦橋道均皆被水冲刷正深悚急乃蒙

皇上不加譴責並

賀發

御製詩飭令臣那彥成恭和不勝惶懼感愧之至敬謹恭

和

元韻理合附呈

御覽謹

奏奉

硃批知道了

恭錄

聖製詩

喜晴七月十三日

望晴詩雨就拂曙霽光浮宿雨收林表濃雲散嶺頭蔚藍

秋日皎潔碧牛風柔

昊佑符時若寅承猶典修

恭和

聖製喜晴 七月十三日 元韻

大有占豐稔盈寧氣象浮快晴失雨脚遠岫歛雲  
頭天迥雕盤健途平馬力柔

乘時秋典舉清

蹕蕪轡修

嘉慶二十年七月十七日

奏爲督辦蘭溝懷柔橋座次第完竣並查明密雲至喀

喇河屯一帶橋座現在趕搭卽日完竣及修墊道  
段均可無悞情形恭摺具奏事竊

臣於十五日自

密雲起程先至懷柔查勘已據委員等督同該縣

帶領兵丁夫役下圓簽樁

臣親身往來督率趕緊

搶搭幸天時晴霽水勢消落至是日三更時分將

懷柔縣境內橋座全行搶搭完固卽赴昌平州之

蘭溝亦經委員等會同地方官督率兵夫搭造惟

水勢稍大施工甚難

臣當加重賞以示鼓勵該兵

夫等無不人人用力至十六日二更時分亦搶搭  
完竣甚屬堅固並據派往口外查勘橋座之千總

褚天喜回稱喀喇河屯橋座已於十四日動工搭  
造經熱河都統和寧在彼督辦四五日內即可告  
竣古北口外並南天門橋座已將樁圓全行排列  
現在支架樑木並用秫稭鋪面壓土碾研十六日  
均可完工密雲白河水亦消退所辦橋座十六日  
晚可以拴船至十七日即可鋪面完工臣伏查本  
月初九日起至十二日止陰雨連綿各處河水漲  
發致將橋座沖失臣竊恐趕搭不及甚爲焦急悚  
懼茲幸仰托

聖主鴻福天氣於十三日放晴雖於十四日晚間復又下

雨卽於次日晴霽連朝風日暄颺水勢消退應需  
料物人夫又經承辦州縣預備充盈得以卽早搶  
搭完固此皆我

皇上敬修

祖典默契

天心

臣

欽敬之餘實深歡忭至各處道段均已翻曬現在

加添沙土碾砑本月十九日以內皆可一律修墊

平坦

臣

仍在蘭溝懷柔一帶來往督催屆期在清

河跪迎

聖駕謹

奏奉

硃批知道了

嘉慶二十年八月初二日

奏臣於七月二十四日在關跪送

聖駕後回住懷柔縣是日申正起竟夜大雨傾注該縣正副橋座復被冲塌於二十五日早冲溜躥淺過河至蘭溝橋座又復全行冲去卽繞道從土溝擺渡泥澑中趕行馳至安定門外時已更餘不能進城卽在小廟住宿於二十六日入城嗣接霸昌道誠端來稟密雲縣潮河副橋被冲八空正橋現尚平

穩白河正副橋座均被沖二十餘空等情臣當卽一而酌量撥給各州縣銀兩並批飭該道誠端督同北路同知陳世相分投督率各該州縣趕緊搶搭務於

阿哥出京以前一律完固不許稍有遲悞茲據該道稟稱昌平至密雲境內橋座均已搶起謹

奏奉

硃批覽

嘉慶二十年八月初二日

奏臣接閱邸抄知兩間房至常山峪道中橋座被冲

聖駕在兩間房

駐蹕一日臣既不能督飭所屬將橋座建搭完固以致屢次被水冲失又未能親身隨扈實屬悚惶焦急仰懇

聖恩將臣交部議處謹

奏奉

硃批不必此皆常事何妨行路現今暢晴數日一切貞吉矣

嘉慶二十年八月二十八日

奏臣欽奉

上諭那彥成現赴天津審案並勘辦永定河工朕回鑾時  
該督如能親至兩間房接駕藩司錢臻卽母庸前來如  
彼時該督所審之案與所查之工尙未竣事不能親赴  
差次再令錢臻至兩間房接駕沿途隨扈可也欽此

臣

敬繹

聖諭該督如能親至兩間房接駕藩司錢臻卽母庸前來  
等因仰見

皇上慎重地方之至意今

臣

現在工次若再令錢臻赴差

省城大員僅止臬司盛泰一人現在興工堵築大  
局已定

臣

在此督辦十餘日所有事務均交溫承

惠在工督辦不致稍有貽悞臣仍可照例前赴昌平州一帶查勘橋道至兩間房跪接

聖駕藩司錢臻自應仍留省城毋庸赴差臣俟送

駕後再回工次與溫承惠督率各員趕緊辦理合龍事務

謹

奏奉

硃批覽

嘉慶二十年九月初三日

奏北七工自八月二十五日興工以來人夫雲集料物源源運到現在挑挖引河東西壩亦經進占事機

極爲順利又有溫承惠在工督辦可期迅速歲事  
不致遲悞臣定於初五日由工次起身赴昌平一  
帶查勘橋道至兩間房跪接

聖駕敬聆

慈訓仍俟恭送

聖駕後馳回工次與溫承惠督率各員辦理合龍謹

奏奉

硃批覽

嘉慶二十年十二月十三日

奏爲遵

旨覆奏事竊臣面奉

諭旨以來春

聖駕展謁

西陵飭令臣恭查

鑿峪由黃新莊至北惠濟廟經過道段如相距原任大學士朱珪墳墓在五里以內卽前往賜奠欽此臣跪

聆之下仰見我

皇上欽崇舊學

篤念前徽

聖敬本自日躋猶

緬丹書於師保

時巡昭夫春省仍紓

翠輦於松楸展臯比之

隆儀十七銘常基

宥密增詞林之

曠興億萬世咸仰

緝熙

恩浹九京慶延

一德凡在臣工同深欽感悅服當卽派員前往敬謹查看

茲據稟稱大學士朱珪墳墓相距

御道在四里以內謹

奏

嘉慶二十年十月二十五日奉

上諭明春朕恭謁

西陵回鑾時蹕路經由北惠濟廟拈香因憶故大學士朱珪墳塋在該處附近面諭那彥成查明如相距御道五里以內卽親往賜奠若在五里以外卽遣官前往茲據那彥成覆奏查看在御道四里以內屆期朕由黃新莊至北惠濟廟紓道親臨賜奠用達眷懷舊學之意其經由道路著那彥成派委修治先行繪圖且奏

籌畫喚咈喇夷使入都章程

嘉慶二十一年六月初三日

奏爲欽奉

諭旨先行恭摺覆

奏事編臣於六月初一日承准軍機大臣字寄嘉慶二

十一年五月二十九日奉

上諭董教增等奏喚咈喇國遣使入貢一摺咈喇國於乾隆五十八年曾遣使來京納貢茲該國王因令王子攝政仰慕中國德威於上年十一月遣使由該國起程約於本年五六月可到天津並於遣使前一月預遣該

國夷官來廣東總督衙門先行稟知外夷輸誠向化自應准其入貢著那彥成卽派員迅赴天津探聽該國貢船一有到津之信那彥成接據稟報卽行親赴天津如廣惠先經得信一面奏聞一面飛速知照那彥成俟那彥成到津後會同廣惠設席演劇先筵宴該使臣一次並宣諭以大皇帝念爾國王王子輸誠納貢遣爾等航海遠來特命總督鹽政先行傳旨賜宴該督等卽令通事告知該使臣禮應叩頭謝宴並察看該使臣情詞是否歡感據實奏聞如該使臣不肯行中國禮儀亦姑置弗論該督等卽將該國來津貢船幾隻正副使幾名從

人幾名其船內所帶兵役共有若干人所貢方物係何  
名目共有若干件查明先行具奏並溯查乾隆五十八  
年該國入貢時使臣從人兵役名數貢物件數及到津  
後如何賞勞並照料進京一切事宜詳悉附奏現據董  
教增奏天津素無通曉夷語之人已遴選熟悉喚哈喇  
國夷字夷語誠實通事一人派員伴送直隸總督衙門  
俟其到時那彥成卽帶往天津以備繙譯之用此次該  
正副使臣及從人等著那彥成廣惠妥協斟酌除應進  
京者令其來京外其餘俱令在津守候無庸多人進京  
如該使臣於六七月間到津計算可於起鑾前來京呈

遞貢品賞賚筵宴那彥成廣惠卽一同照料來京若起鑾前該貢使不能到京該督等二人卽於回鑾後照料該貢使來京可也將此由四百里諭知那彥成並傳諭廣惠知之欽此臣跪讀之下仰見我

皇上德威遠播

聲教覃敷該噶喇國王等自乾隆五十八年納貢後此次復輸誠向化遣使航涉重洋瞻覲

天顏

聖聖相承無違弗屆實爲

熙朝盛事臣曷勝欣忭踴躍之至所有到津筵宴賞勞並

照料一切事宜仰蒙

勅派臣會同鹽政臣廣惠妥協斟酌經理益佩

聖訓周詳

懷柔撫綏至意臣遵卽移會鹽政並飛劄飭調天津鎮祥

啟天津道張五緯迅速回津會同遴派能幹員弁  
前赴海口並帶同熟悉引水人等專司確探該國  
使船隻信息其天津鎮道沿河催趨漕船各務另  
派文武大員馳往督率妥辦一面檄行兩司詳查  
五十八年照料該國使進京舊定章程隨查得該  
國於五十八年遣使納

貢頭二三四五號夷船五隻行抵天津外洋拋碇前任

鹽政徵瑞會同派委之天津道鎮及副將等飭令

引道人等設法將夷船引至近口之擋江沙一道

停泊前鹽臣徵瑞多備牛羊豬雜米麵菜菓先行

貢給隨據通事頭目人等稟稱撥貢小船需用三

十餘隻卽於次日卸載進口前督臣梁肯堂先已

飭令天津縣在大沽預備大公館一所並著通事

詢明來船若干隻貢使隨從及船戶水手匠役若

千名守船者若干進京者若干貢物若干件係何

款項其餘貢使人等行李並船中帶備餘物共若

千件逐一譯出漢字清摺令派委迎護之道員副  
將查點明白註冊將應起各物用小船運至公館  
搭配成摃開單附

奏該國使卸載進口之日天津鎮臣多帶員弁兵丁列

營站隊旗幟鮮明甲仗精銳海口一帶及由大沽

至通州沿途營房墩臺一律油飾整齊維時前督

臣會同前鹽政卽於公所設備筵席以禮款待筵

宴坐次

天朝官在東側坐該國使在西側末坐先行三跪九叩禮

入宴宴畢復行三跪九叩禮謝

恩預備賞物因在七月中旬正使酌賞紅紗二疋綠紗二疋色綾二疋色綢二疋頭目減半跟役人等每名賞給紅布二疋綠布二疋通事每名賞給紗袍褂一副所需戲席犒賞各物飭縣按數墾辦事竣造冊籌動司庫閒款報銷當據通事等稟稱該國使船五隻起卸之後未能久泊洋面擬卽先回至浙江寧波珠山停泊等候該國使事竣回抵該處開洋返國等語經前督臣奏准行知浙江撫臣飭屬指給空地以便支立帳房爲守船患病人等棲息並據通事稟稱該國使仍由天津坐船抵通由通

州起旱前赴熱河瞻

覲亦經前督

臣

奏准並查明該國正貢副使二名總兵代

筆醫生天文生副總兵官管兵官總管貢物官聽

事官正副貢使家人吹樂匠作營船官襍役等四

十八名兵五十名共一百名俱隨赴熱河開單具

奏欽奉

諭旨正副貢使品級較大酌予肩輿其隨從員役止須給

車乘坐所有沿途車馬及擡送揷夫接站應付事

竣造銷至留船看守官役水手頭二三四五號船

隻共六百二十名因係抵津卸載後仍駛至滄波

珠山停泊前督臣亦開明人數

奏准賞給米三百五十石麵二千觔牛十隻羊二十隻  
猪二十口雞五十隻鴨五十隻茶葉二百觔水菜  
十擔瓜菓十擔以資接濟嗣該國使事竣卽自津  
起程由內河水路行走赴廣東澳門附該國貿易  
便船開洋返國並奉

旨專派松筠等逐程護送此五十八年該國使抵津後賞  
勞照料之舊章大概也其貢物件數臣署中卷案  
及司署冊檔均未載入臣現移會鹽政廣惠詳查  
五十八年舊案迅速知照以憑叅互酌定分行各

屬早爲預備總期斟酌協宜豐儉適中按其到津之遲早以定行走之徐速不可稍有簡畧亦不必過於繁縟務俾該國使撤欣感悚仰肅

聖主體恤震疊之至意至廣東撫臣派送通事一名臣飛

檄沿途迎催俟其到口帶往天津以備繙譯之用再海洋風信靡常該使臣到津遲早未能預定向

聞海道船隻必先收泊山東登州海岸之廟島守

候南風方能收泊天津大東沽海口臣現又移咨

山東撫臣並檄登州鎮臣一體確探除俟探有該

國使船到津確信臣卽兼程馳赴天津照料並會

同鹽政查照舊案妥協預備並繕舊案事宜清單  
恭呈

御覽謹

奏

謹將檢查乾隆五十八年噶哈喇國貢使到津後  
照料護送各事宜清單繕呈

御覽此次仿照妥議辦理尚有檢查未盡事宜俟查明另

行附

奏

一噶哈喇國貢船到津應令天津道就近迎護並

派副將一員會同該道前赴海口督同營汛兵  
役護送由津至京及該使回國均令原委之道  
將逐程照料護送

一該船到口飭令引道人引至攔江沙臭魚岡夾  
界之間清水邊處所停泊以資防護

一貢使到時於大沽預備大公館一處以資安頓  
先著通事查明貢使並隨從人等共船若干隻  
船戶水手若干名守船者若干進京者若干貢  
物若干件係何款項其餘貢使人等行李並船  
中帶備餘物共若干件譯出漢字清摺護送委

員逐一查點明白註冊將應起物件用小船運至大沽公館搭配成揷開單具

奏沿途飭令各該地方官僱夫小心擡送逐程更換仍令護送各員小心照料

一海口臭魚岡距大沽礮臺五十里內河水淺應備小船三十隻列定號次每船派兵役各二名押赴海口迎接貢使並裝載貢物運送至公館前登岸其船隻飭令批驗所大使會同天津縣僱僕守候應用

一正副使按照員數備辦潔淨鮮明轎車數輛分

給乘坐跟役執事人等均係夷人不善騎馬每  
四人給坐大車一輛應用擡夫每站僱傭二百  
名逐站遞送每夫十名擡夫頭一名管押每擡  
派撥兵役二名督率稽查以防逃逸違悞

一大沽距京計程三百餘里分爲五站行走

一公館應掃除潔淨左右設置帳房旗幟多設官  
兵小心巡察遇晚巡邏傳更毋許閑人擅行窺  
探仍於公館附近酌借民房以便護送文武官  
員住宿易於稽查彈壓

一沿途墩鋪汎房界牌量加修葺

一該國食物多用奶子牛羊猪肉鷄鴨燒煮及水  
糖白糖燒酒乾餛首茶葉等物飭令經過尖宿  
各地方寬爲預備

一所需車輛馬匹在於天津通永二屬派撥協濟  
一夷船每隻點派買辦一名由縣給發執照令其  
承充代買食物按市價平買不得私行買酒給  
飲及一切違禁物件仍派員弁稽查

一貢使費送貢物並隨帶行李由船登陸必須逐  
程查點一手經理庶免錯誤應責成護送之道  
員副將各一員並派佐貳二員暨千總二員直

送至京仍由京護送回船一應稽查接護官員俱逐程更換

一公館執事人役飭令各該地方官選擇妥幹勤謹之人派定執事小心供役其衣帽均須潔淨完備

一由津至京經由之通永霸昌二道東西兩路同知均於入境站所會同護送委員率同地方文武各官酌帶兵役逐程交替勿致貽悞

一正使酌賞紅緞二疋綠緞二疋色綢二疋頭目減半給賞限役人等每名賞給紅布

二疋綠布二疋通事伴送賞給綢袍褂一副嗣  
因該國使到津在七月中旬綴疋俱改用紗料  
一經由城汎地方俱令該營汎弁兵排列嚴肅其  
擡送

貢物應需夫役飭令天津首站酌定名數傳知下站一  
體僱備應付

一貢使換船上京其在船跟隨水手人等傳諭該  
通事頭目嚴加約束不許其手下人等私自登  
岸以防騷擾滋事

一海口大小船隻不許攏近使之船以防私賣

違禁之物並勿許賣酒

一禁沿河村落鼓樂及婦女窺看以防招引上岸  
生事

一海口南北兩岸礮臺宜培修量蓋兵房以重觀  
瞻

一自海口至通州一路撥汎城池地方皆添兵役  
及兩岸集鎮人煙湊集之所雖向無汎撥亦令  
各該營調度添兵展插旗幟以壯觀瞻

一天津城門及公館多設官兵巡邏以重防守  
一海口加派中軍遊擊霸州遊擊多帶官兵巡邏

防護

嘉慶二十一年六月初五日軍機大臣字寄奉  
上諭那彥成奏查照喚噶喇入貢舊案遵旨妥爲預備一  
摺喚噶喇國遣使納貢來稟所稱仰慕中國德威係外  
夷表貢常語其實該國遣使遠涉重洋以納貢爲名恐  
尚有干求事件該督一聞貢船抵津之信卽行馳往照  
料如該貢使向該督言及有懇請賞給口岸貿易如上  
次請於寧波互市等事該督卽先行正詞駁斥以天朝  
法度森嚴不敢冒昧陳奏絕其妄念該督計算該貢使  
於起鑾前可以到京卽行照料前七月尙無抵津

之信該督仍照常年隨扈出口回署後探有確信再赴天津會同廣惠商辦一切若該貢使情詞恭順屆時率領入覲倘其意在要求或禮節不遵制度卽據實奏聞彼時將貢品賞收厚加賜賚諭以大皇帝舉行秋獵回鑾尙有數月念爾等航海遠來特加體恤不令久候卽在天津筵宴遣回本國均無不可至乾隆五十八年該國貢使及兵役人等進京者共計一百名此次那彥成等再行酌裁卽減半亦可沿途營房墩臺每處逐處油飾其進口及經由城汎自應令該官兵列營站隊旗幟器械一律整齊以資彈壓犒賞各項均道照上次之例

預備頒給

容安謹按噶喇國貢使抵津之時 先公已  
因甘肅賑案被逮未及身親其事嗣奉  
派尙書公和公世泰尙書蘇公楞額尙書穆公克登額接  
辦故應載者只此一奏

那文毅公初任直隸總督奏議卷四十三